



UNIVERSITÄTS-
BIBLIOTHEK
PADERBORN

Theologia|| Ivridica,|| Sev Ivs Civile Theologicvm,||

Fickler, Johann Baptist

Dilingæ, 1575

VD16 F 976

Vbi ciuiliter co[n]ueniri debeant Monachi.

[urn:nbn:de:hbz:466:1-63414](https://nbn-resolving.org/urn:nbn:de:hbz:466:1-63414)

procedere debet secundum electionem atque iudicium religiosissimi Episcopi. Et hæc inligantur non solum de masculis, sed etiam de foeminis sanctimonialibus.

Plura quæ spectant ad titulum monasterii habentur in eadem const. & const. 115. §. restat. et §. sequentibus.

IDEM IVST. IN D. CONST. 6. OMNIBUS autem de Monachorum habitatione ac dormitorio sic ordinavit.

Habitatio & dormitōriū.

Nulla licentia Monachis sit separatum conuerfandi, nec vnusquisq; monachus suum proprium cubiculum habeat, sed communitate ad excolendum Deum congregentur, & in communi loco dormiant, singuli quidem in culcitris suis, humi videlicet iacentibus, omnibus autem in vna domo dormientibus.

DE FORO, ID EST VBI CONVENIRI DEBEANT MONACHI.

IVSTINIAN. IMP. AVTH. APVD QUOS oportet. caus. dicere Monach. & Ascetias, coll. 6.

Rem cognoscentes non rectam fieri in hac regia ciuitate, communi lege existimamus hoc mederi, inchoantes quidem ab hac foelicitissima ciuitate, in omnia verò loca quæ subiecta sunt distendententes. Quibus enim volentes corrumpere orthodoxæ fidei honestatem, siquidem litem habuerint, quæ

cum Monachis, aut Ascetrijs, ciuiles iudices interpellant: at illi mittunt executores præsumentes accedere intra loca sancta, & monachos trahere, atq; monastrias, vel ascetrias inquisitare, forsan eas, quæ non videntur, & hinc iniuriam & confusionem non paruam adorabilibus fieri locis. Propterea igitur sancimus si quis quæcumque habuerit causam cum aliquibus venerabilibus sanctimonialibus, aut sacris virginibus, aut mulieribus omnino in monasterijs consistentibus, Deo amabilem ciuitatis illius Episcopum interpellat, ille verò mittat, & cum omni honestate quæ sunt de personarum præsentia disponat: siuè oportet per Abbates, siuè per responsales, siuè per alios quoslibet hoc fieri. Ipsi verò cum omni ueneratione sacerdotali causam examinent & iudicent, & ciuiles non sint penitus eis iudices, neq; confundant eorum honestatè, cum idonei sint Deo amabiles singularum ciuitatum Episcopi, & quæ de lite sunt, & de cautela iudiciorum disponere, & iudicare honestè atq; sacerdotaliter, & secundùm leges nostras, & sacratissimas regulas. Sic enim, & qui aliquam rationem habere putantur, merebuntur iustitiam, & honestas sacrorum inuiolata integraq; seruabitur. Communis igitur sit lex, habeatq; custodiam, & à gloriosissimis præfectis, qui per cunctas existunt diœceses, & Illyrici dicimus & Lybia, Italiaq; & Occidentis totius, & à gloriosissimis præfectis vtriusque Romæ,

Monasticis cū personis vbi litigandum.

Monasticorū cause in foro ciuili nō sunt cognoscendæ.

monachorum, aut virginum, aut mulierum omnino sacrarum, & in venerabilibus monasterijs habitantium habuerit causam. De clericis etenim & ordine conuentionis eorū iam leges conscripsimus, quas valere & firmas esse omni volumus modo. Scriptum exemplar viro clarissimo Ioanni præfecto sacrorū Orientis Prætorio, iterum exconsuli ordinario & Patricio. Scriptum exemplar Basilidi gloriosissimo magistro sacrorum officiorum. Scriptum exemplar Longino gloriosissimo Præfecto vrbis.

DE RAPTIV, SEV CORRUPTIONE SACRARVM VIRGINVM.

In raptu non solum effectum, sed etiam conatum ipsum & voluntatem puniri, quantumque sit crimen, & quæ raptoribus raptisq; non inuitis pœna statuta sit, in hoc capite cauetur.

IOVINIAN. IMP. IN L. SI QVIS. 1.
C. de Episc. & cleric. & c.

SI quis, non dicam, rapere, sed attentare tantum iungendi causa matrimonij sacratissimas virgines ausus fuerit, capitali pœna feriatur.

IUSTINIAN. IMP. IN L.
Raptores. C. eod.

Raptores virginum, vel viduarum, vel diaconissarum, quæ Deo fuerint dedicatæ, pœna criminum peccantes, capituli supplicio plectentur.

Hec lex etiam habetur in C. Theodosiano. tit. de rapt. & matrim. sanctimon. & lib. 6. tripartitæ hist. cap. 3. vbi occasio huius legis exponitur. & Nicepho. lib. 10. cap. 39. Eccl. hist.

Raptores capite plectendi.